

## სახელმწიფო შესყიდვის ხელშეკრულება N-O63/09

შიდა № 148

საზოგადოებრივ უსაფრთხოებასთან, კანონიერებასა და წესრიგთან დაკავშირებული მომსახურებები (CPV75240000)

ქ. თბილისი

02 ნოემბერი 2022 წ.

ერთი მხრივ, სსიპ კოლეჯი „ლაკადა“-ს (ს/კ 242728679) (შემდგომში „შემსყიდველი“), წარმოდგენილი გიორგი ჭანტურიას სახით, ხოლო მეორე მხრივ, საქართველოს შინაგან საქმეთა სამინისტროს მმართველობის სფეროში შემავალი - სახელმწიფო საქვეუწყებო დაწესებულება - საგანგებო სიტუაციების მართვის სამსახურის საჯარო სამართლის იურიდიული პირი - სახელმწიფო რეზერვებისა და სამოქალაქო უსაფრთხოების სერვისების სააგენტო (დეპარტამენტი) (შემდგომში სააგენტო/მომსახურების გამწევი) (ს/კ 202191289) (შემდგომში „მიმწოდებელი“), წარმოდგენილი სააგენტოს უფროსის ზაზა ფანცულაიას სახით, ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობისა და „სახელმწიფო შესყიდვების შესახებ“ საქართველოს კანონის მე-10<sup>1</sup> მუხლის მე-3 პუნქტის „ზ“ ქვეპუნქტის საფუძველზე, ვდებთ წინამდებარე ხელშეკრულებას:

### მუხლი 1. გამოყენებული ტერმინების განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება“ - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ.
- 1.2. „შემსყიდველი“ - ორგანიზაცია, რომელიც ახორციელებს შესყიდვას.
- 1.3. „მიმწოდებელი“ - ორგანიზაცია, რომელიც ახორციელებს მომსახურების გაწევას ამ ხელშეკრულების ფარგლებში.
- 1.4. „მომსახურება“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

### მუხლი 2. ხელშეკრულების საგანი

„საქართველოს შინაგან საქმეთა სამინისტროს მმართველობის სფეროში მოქმედი საჯარო სამართლის იურიდიული პირის – საგანგებო სიტუაციების მართვის სააგენტოს მიერ სამოქალაქო უსაფრთხოების სფეროში სამუშაოების შესრულების და მომსახურების გაწევის სახეებისა და საფასურის განსაზღვრის წესის დამტკიცების შესახებ“ საქართველოს მთავრობის 2022 წლის 10 ივნისის №308 დადგენილებით დამტკიცებული წესის მე-3 მუხლის 5 პუნქტით გათვალისწინებული მომსახურება - საგანგებო სიტუაციებისაგან მოსახლეობისა და ტერიტორიის დაცვის საკითხებზე სპეციალისტის კონსულტაცია.

### მუხლი 3. მომსახურების პირობები და ხელშეკრულების ღირებულება

- 3.1. ამ ხელშეკრულების მე-2 მუხლით გათვალისწინებული მომსახურება განხორციელდება მომსახურების მიმღების მიერ მომსახურების საფასურის გადახდის შემდგომ მხარეთა მიერ ზეპირად შეთანხმებულ დროს **3 (სამი)** საათის განმავლობაში.
- 3.2. ამ ხელშეკრულების გათვალისწინებული მომსახურების ღირებულება შეადგენს **150 (ასორმოცდაათი) ლარი**.
- 3.4. ამ ხელშეკრულების ღირებულება მოიცავს წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს.
- 3.5. წინამდებარე ხელშეკრულების პირობებისა და ღირებულების შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

3.6. დაფინანსების წყარო: 2022 წლის სახელმწიფო ბიუჯეტიდან მიღებული სახსრები.

#### **მუხლი 4. მხარეთა ვალდებულებები**

##### **4.1. შემსყიდველი ვალდებულია:**

ა) წინამდებარე ხელშეკრულებით გათვალისწინებული მომსახურების გაწევისას ხელი შეუწყოს და საჭიროებისას სათანადო დახმარება აღმოუჩინოს მიმწოდებლის წარმომადგენლებს თავიანთი საქმიანობის განხორციელებაში;

ბ) მიმწოდებლის წარმომადგენლებს დროულად და სრული მოცულობით მიაწოდოს ინფორმაცია, რომელიც აუცილებელია მომსახურების ჯეროვნად შესრულებაში;

გ) განახორციელოს ამ ხელშეკრულებით მასზე დაკისრებული სხვა ვალდებულებები.

##### **4.2. მიმწოდებელი ვალდებულია:**

ა) უზრუნველყოს ხელშეკრულებით გათვალისწინებული მომსახურების ჯეროვნად შესრულება;

ბ) განახორციელოს შემსყიდველის მიერ ხელშეკრულების შესრულების კონტროლი;

გ) განახორციელოს ამ ხელშეკრულებით მასზე დაკისრებული სხვა ვალდებულებები.

#### **მუხლი 5. ხარისხი**

5.1. მიმწოდებელი იძლევა გარანტიას, რომ გაწეული მომსახურება იქნება მაღალი ხარისხის, უპასუხებს ხელშეკრულების პირობებს და დააკმაყოფილებს შემსყიდველის მიერ განსაზღვრულ მოთხოვნებს.

5.2. შემსყიდველს უფლება აქვს შეამოწმოს რამდენად ხარისხიანად განახორციელა ხელშეკრულებით გათვალისწინებული მომსახურება მიმწოდებელმა.

5.3. ხელშეკრულების შესრულების კონტროლს ახორციელებენ სსიპ კოლეჯი „ლაკადა“ - დირექტორის მ/შ თეანა ქუხილავა.

#### **მუხლი 6. ანგარიშსწორების პირობები**

6.1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო ანგარიშზე ჩარიცხვით (რეკვიზიტების შესაბამისად).

6.2. შემსყიდველი იღებს ვალდებულებას ხელშეკრულებით გათვალისწინებული მომსახურებისთვის მიმწოდებელს აუნაზღაუროს მომსახურების საფასური მიღება-ჩაბარების აქტის საფუძველზე, მიმწოდებლის მიერ ყოველ ფაქტიურად შესრულებულ სამუშაოსა და გაწეული მომსახურებისთვის, მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

#### **მუხლი 7. „ფორს-მაჟორი“ და ხელშეკრულების შესრულების შეფერხება**

7.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში წერილობით უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

7.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

7.3. წინამდებარე ხელშეკრულების რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

7.4. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი მხარეთა შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

## **მუხლი 8. ხელშეკრულების პირობების შეუსრულებლობა**

8.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში, ყოველი დაგვიანებული დღისათვის, მხარეს ეკისრება პირგასამტეხლო შეუსრულებელი ვალდებულების ღირებულების 0.2%-ის ოდენობით.

8.2 პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

## **მუხლი 9. ხელშეკრულებაში ცვლილებების შეტანა**

9.1. წინამდებარე ხელშეკრულებაში ნებისმიერი ცვლილება დასაშვებია მხოლოდ ორივე მხარის უფლებამოსილი წარმომადგენლის წერილობითი შეთანხმებით.

9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია დაუყოვნებლივ წერილობით შეატყობინოს მეორე მხარეს შესაბამისი ინფორმაცია.

## **მუხლი 10. დავების გადაწყვეტა**

10.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

10.2. თუ ასეთი მოლაპარაკების დაწყებიდან 10 (ათი) დღის განმავლობაში მხარეები ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია კანონმდებლობით დადგენილი წესის მიხედვით მიმართოს საქართველოს საერთო სასამართლოებს.

## **მუხლი 11. ხელშეკრულების შეწყვეტა**

11.1. მხარეები უფლებამოსილნი არიან ხელშეკრულების ნებისმიერ ეტაპზე მთლიანად ან ნაწილობრივ ცალმხრივად შეწყვიტონ წინამდებარე ხელშეკრულება, თუ რომელიმე მხარე უხეზად დაარღვევს ხელშეკრულებით ნაკისრ ვალდებულებებს ან საქართველოს კანონმდებლობით დადგენილ სხვა შემთხვევებში, რის შესახებაც მხარეები წერილობით აცნობებენ ერთმანეთს წინასწარ.

11.2. მხარეებს მიყენებული ზიანისათვის პასუხისმგებლობა დაეკისრებათ საქართველოს კანონმდებლობის შესაბამისად.

11.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

11.4. ხელშეკრულება ძალაშია ხელმოწერის დღიდან და მოქმედებს **2022 წლის 31 დეკემბრის** ჩათვლით.

## **მუხლი 12. სხვა პირობები**

12.1. წინამდებარე ხელშეკრულება რეგულირდება და განიმარტება საქართველოს კანონმდებლობის შესაბამისად.

12.2. წინამდებარე ხელშეკრულებით მიმწოდებლის მიერ განხორციელებული მომსახურება, მიუხედავად იმისა, სრულად შესრულდა თუ ნაწილობრივ, დასტურდება მხარეთა შორის გაფორმებული მიღება-ჩაბარების აქტით.

12.3. შემოსავლების სამსახურის დირექტორის მინდობილი პირი ამოწმებს სახელმწიფო შესყიდვის შესახებ ხელშეკრულებათა შესრულების კონტროლის განხორციელების მიზნით მუდმივმოქმედი ინსპექტირების ჯგუფის უფლებამოსილი წევრის/წევრების მიერ ინსპექტირების განხორციელების ფაქტს და შესაბამის ინსპექტირების აქტზე მისი/მათი ხელმოწერის არსებობას. შესაბამისი ფორმით შედგენილი ინსპექტირების აქტზე ხელმოწერების არსებობის შემთხვევაში დირექტორის მინდობილი პირი ხელს აწერს მიღება-ჩაბარების აქტს.

12.4. ხელშეკრულება შედგენილია ელექტრონულად ქართულ ენაზე. აქედან.

**მუხლი 13. მხარეთა რეკვიზიტები:**

**13.1. სსიპ კოლეჯი ლაკადა**

საბანკო რეკვიზიტები: სახელმწიფო ხაზინა კოდი: TRESGE22 კოდი:709189921

მის: წალენჯიხის მუნიციპალიტეტი, ქ. ჯვარი, ყაზბეგის ქ. N2;

ტელ: 595 50 67 32; 568 262 848;

ელ.ფოსტა: giochanturia93@gmail.com

**13.2. მიმწოდებელი** - საქართველოს შინაგან საქმეთა სამინისტროს მმართველობის სფეროში მოქმედი - სახელმწიფო საქვეუწყებო დაწესებულება - საგანგებო სიტუაციების მართვის სამსახურის სსიპ - სახელმწიფო რეზერვებისა და სამოქალაქო უსაფრთხოების სერვისების სააგენტო (დეპარტამენტი) ს/კ 202191289

საბანკო რეკვიზიტები: სახელმწიფო ხაზინა, ბანკის კოდი -TRESGE22, ანგარიში - 707137049;

მის: ქ. მცხეთა, ფარნავაზ მეფის ქ. N°1,

ტელ: 241-70-95

**შემსყიდველი:**

დირექტორის მინდობილი პირი

გიორგი ჭანტურია

-----

**მიმწოდებელი:**

სააგენტოს უფროსი (დეპარტამენტის თავმჯდომარე)

ზაზა ფანცულაია

-----

სახელმწიფო ხაზინა TRESGE22. ჩარიცხეთ სახაზინო კოდზე: 707137049. დანიშნულებაში მიუთითეთ: ხელშეკრულების ნომერი N- O63/09 მომსახურება: მუხლი 3, პუნქტები - 5